

Ár 2013, fimmtudaginn 18. apríl, kl. 8:00 kom bæjarráð saman til fundar á skrifstofu bæjarins.

Mætt voru: Ninna Sif Svavarsdóttir, Guðmundur Þór Guðjónsson og Jóhanna Ýr Jóhannsdóttir.

Ennfremur sátu fundinn Aldís Hafsteinsdóttir, bæjarstjóri, og Helga Kristjánsdóttir, skrifstofustjóri sem ritaði fundargerð í tölvu.

Ninna Sif Svavarsdóttir formaður setti fund og stjórnaði.

Leitaði hún eftir athugasemdum við fundarboð en engar komu fram.

Eftirfarandi fært til bókar:

1. Bréf sem borist hafa frá:

1.1. Umhverfisstofnun frá 2. apríl 2013.

Í bréfinu er svar við athugasemdum Hveragerðisbæjar vegna málsmeðferðar Umhverfisstofnunar í aðdraganda leyfisveitingar fyrir afmarkaða notkun ORF líftækni hf að Reykjum í Ölfusi.

Umhverfisstofnun telur að ábendingar Hveragerðisbæjar um að verkefnið hafði ekki verið kynnt Hveragerðisbæ séu réttmætar og mun gæta þess að leita viðhorfa nærliggjandi sveitarfélaga þegar sótt er um leyfi fyrir starfsemi sem er á mörkum sveitarfélaga.

Bæjarráð fagnar niðurstöðu Umhverfisstofnunar enda er hér um mikið hagsmunamál víða um land að ræða.

1.2. Ungmennafélagi Íslands frá 2. apríl 2013.

Í bréfinu er ályktun ungmenna frá ráðstefnunni Ungt fólk og lýðræði um ungmennaráð.

Lagt fram til kynningar. Bæjarráð vísar erindinu til menningar- og frístundafulltrúa sem hefur umsjón með starfsemi ungmennaráðs Hveragerðis.

1.3. Héraðssambandinu Skarphéðni frá 4. apríl 2013.

Í bréfinu eru tillögur sem samþykktar voru á 91. héraðsþingi Héraðssambandsins Skarphéðins 9. mars sl.

Lagt fram til kynningar.

1.4. Sveinbirni Sveinbjörnssyni frá 5. apríl 2013.

Í bréfinu óskar Sveinbjörn eftir að fá að líta eftir og gæta gróðurhússins Þórsmörk 7 gegn einhverri vetrarnýtingu.

Því miður sér bæjarráð sér ekki fært að verða við erindinu enda mun húsið verða nýtt undir starfsemi bæjarfélagsins í framtíðinni.

2. Tæknileg málefni:

2.1. Beiðni um umsögn vegna umsóknar um breytingu á rekstrarleyfi Frost og Funa Hótel frá 11. apríl 2013.

Sýslumaðurinn á Selfossi óskar eftir umsögn vegna umsóknar Frost og Funa ehf um breytingu á rekstrarleyfi.

Bæjarráð gerir ekki athugasemdir varðandi umsókn Elfu Daggar Þórðardóttur um breytingu á rekstrarleyfi vegna Frost og Funa ehf.

Bæði opnunartími og staðsetning staðarins er innan þeirra marka sem reglur og skipulag sveitarfélagsins kveða á um.

3. Verkfundargerð:

3.1. Frárennislagnir Laugaskarði, göngustígur Breiðamörk frá 8. apríl 2013.

Fundargerðin samþykkt.

4. Fundargerðir til kynningar:

4.1. Heilbrigðisnefndar Suðurlands frá 5. apríl 2013.

4.2. Brunavarna Árnessýslu frá 5. apríl 2013.

Bæjarráð felur bæjarstjóra að óska eftir nánari upplýsingum um stöðu húsnæðismála hjá Brunavörnum Árnessýslu þá sérstaklega með stöðu mála vegna Árvegar 1.

5. Umhverfisverðlaun Hveragerðisbæjar 2013.

Rætt um umhverfisverðlaun Hveragerðisbæjar sem veitt verða af Forseta Íslands á sumardaginn fyrsta. Bæjarráð er sammála um verðlaunahafann og verður það val formlega tilkynnt á sumardaginn fyrsta.

6. Framtíðarsýn og möguleikar, umræður.

Rætt um framtíðarsýn og möguleika í Hveragerði. Samþykkt að halda umræðum áfram á næsta fundi bæjarráðs.

Fundargerð upp lesin og samþykkt.

Fleira ekki gert og fundi slitið kl. 9:30

Ninna Sif Svavarsdóttir, (sign)

Jóhanna Ýr Jóhannsdóttir , (sign.)

Guðmundur Þór Guðjónsson, (sign)

Aldís Hafsteinsdóttir, (sign)

Helga Kristjánsdóttir, (sign)